

INUIT ATAQATIGIIT

INATSISARTUNI



UKA2021/148

19. Oktober 2021

Kristian Jeremiassen

Inatsisartut aaliangiiffigisassaattut siunnersuut Naalakkersuisut peq-quneqassasut Naalagaaffiup akisussaasuinut atassuteqartoqarnissaannik Kalaallit Nunaanni Pinerluttulerinermut inatsimmi paragraf-fimik ikkussisoqassasoq, nittartakkatigut atornerluinerup inatsisitigut unioqqutitsinertut isigineqaarnissaanut. Atassuteqarneq UPA 2022 pinnginnerani pisimassaaq.

(Inatsisartunut ilaasortaq Anna Wangenheim, Demokraatit)

Inatsisartunut ilaasortap Anna Wangenheim Demokraatit Inatsisartut aaliangiiffingisassaatut siunnersuuta pinerluttulerinermi inatsisinut ilanngunneqassasoq nittartakkatigut atornerluisarnerup inatsisitigut unioqqutitsinerulernissaa pillugu imatut oqaaseqarfingissavarput Inuit Ataqatigiit-niit.

Siunnersummi tunngavilersuutingineqartut ataatsimisut isigalugit meeqqat aamma illorsorneqartariaqarnerat pisariaqartoq Inuit Ataqatigiit tunngaviusumik anguniangaanut naleqqulluinnarpoq. Inuit Ataqatigiit isumaqarpugut isumat ajunngilluinnartut Inatsisartut ataatsimiittarfiani kateritinneqartarnissaat inuaqatigiinnullu pittaasumik kinguneqartarnissaat pingaartutut nalilertarparput, siunnersuut partiimi sorlermiit saqqummiunneqarnera apeqquaatinngangu. Tassa suleqatingiinneq Inuit Ataqatigiit ujartugarpus aporfissarsiorani periarfissarsiorneq.

Meeqqap innarlerneqarnissaa pillugu suliniutit atorsinnaasagut inuaqatingiinnullu inuup pisinnaatitaaffii tunngavingalungit inatsisillu tunngavingalungit meerartagut illersortuartariaqarpagut. Ukiuni makkunani meeqqat mikineriniilli atualinngittulli ipad mobil aqqutigalugu nunarsuarmut appakaassinnaapput,

INUIT ATAQATIGIIT

INATSISARTUNI



tamanna iluaqutaavoq ineriarnermut taamaattorli ipad mobil-llu tunuani inersimasunik meeqqanik atornerluiniartunik peqartartoq saqqummertarpoq, tamanna annilaarnaqaaq ernumaammernarlunilu. Inuit Ataqatigiit qinigaaffik kingulleq siunnersuuteqarput pinerluuteqarsimasut sakkortunerusumik pine-qaatissinneqartalernissaat pillugu, tamanna sapaatip akunnera kingulleq inatsisissaq siullermeerlugu oqaluuserivarput, tamannali naammannngilaq. Inuit Ataqatigiit siunnersuuteqartoq isumaqatingivarput nittartakkatigut atornerluinerup inatsisinut ilanngunneqarnissaanik siunnersuuteqarmat.

Atagu nunarsuaq inuuuffingisarput qivialaariartigu. Ima qanitsingilersimavungut attaveqaqatingiittarfiit aqqutigalugit inoqatigut qanoq innersut sumiingersut qanorlu isummersuuteqarnersut takusinnaallugit. Qanga taama inuusimanngi-langut attaveqaqatigiittarfiit aqqutigalugit periarfissaqanngimmat. Massakkulli: Nunarsuarmi sumiikkaluaraanniluunniit nunaqqatingingaluaraanniluunniit imaalialanneriinnakkut kikkulluunniit qanillineqarsinnaapput. Meeqqat tassaapp-put navianartorsiornerpaat inersimasup isumapalaallip isumapalaava paasisin-naanngikkaa atornerlunniarlugu.

Kinguaassiuutitigut atornerluinerit suulluunniit iliuusaapput Akuerineqarsinna-anngitsut pisussaanngitsutut isigisariaqakkagut. Meeqqalli tassaapput imminnut illersorsinnaasanngitsut eriagisassat illersungassallu, inuaqatigiinniillu illersorneqarnissaminnik immikkut pisariaqartitsisut Inatsisiti-gullu grooming nunatsinnut atuutilersinneqartariaqavisoq Inuit Ataqatigiit-nniit isumaqarpungut.

Naalakkersuisut pissutsinik aaqqeerasullutik Dansk-it Naalakkersuisunut saaf-finginnissallutik grooming pillugu Inuit Ataqatigiit-niit ilassilluarparput, Inuit Ataqatigiit-niillu Inatsisissap saqqummernissaanut suleqataassuungut sulias-samilu immersueqataalluni. Pisariaqavimmami Inatsisip nunatsinni atuutilerne-qarnissaa.

INUIT ATAQATIGIIT

INATSISARTUNI



Inuit Ataqatigiit oqaaseqarnitsinni oqaatingivarput inuit attaveqaqatingiittarfii-singut periarfissat attaveqarnissamut annertusinikooqaat inersimasullu mee-qanut kinguaassiutitingut atornerluiniat aamma periarfissamik atorluaaniartar-put taamaattumik siunnersuut manna peqqissaartumik isumatusaartumillu su-liarineqarnissaa pillugu Inatsisartut Inatsisinut ataatsimiitaliaanut suliassan-gortipparput siunnersuullu akuersaarparput Inatsisinullu ataatsimiitaliap su-illuarnissaanik kissaapparput.

Qujanaq Inuit Ataqatigiit sinnerlugit oqaaseqarsinnaangama. Oqaaseqartoqa-rumava apeqqutissaqartoqarpaluunniit?